

UNIVERZITET U TUZLI
Broj: 01-220-JN-10/24
Tuzla, 30.12.2024. godine

Na osnovu člana 70. stav (1) i stav (3) Zakona o javnim nabavkama BiH («Službeni glasnik BiH» broj: 39/14, 59/22 i 50/24) i člana 64. stav (1) tačka r) Statuta JU Univerziteta u Tuzli broj: 03-5695-1-2/23 od 18.10.2023. godine, a nakon razmatranja Zapisnika Komisije o pregledu i ocjeni ponuda broj: 01-220-JN-9/24 od 25.12.2024. godine, po punomoći Rektorice Univerziteta u Tuzli broj: 01-1424-1/24 od 13.03.2024. godine, Direktor za ekonomske poslove, donio je

O D L U K U **O IZBORU NAJPOVOLJNIJEG PONUĐAČA**

I

U Konkurentskom zahtjevu za dostavu ponuda za nabavku stolica za Pravni fakultet (realizacija projekta: FMON “*Program opremanja sale za NIR, master i doktorske studije*”), izabran je ponuđač FEF Export-Import d.o.o. Sarajevo, sa ponudenom cijenom od 7.110,00 KM bez uračunatog PDV-a, odnosno 8.318,70 KM sa uračunatim PDV-om, te se istom dodjeljuje ugovor o nabavci roba.

II

Ponuda ponuđača iz tačke I ove Odluke odabrana je iz razloga što kao prihvatljiva u svemu zadovoljava uslove propisane tenderskom dokumentacijom i zato što je imala najnižu cijenu.

III

Ova Odluka se objavljuje na internetskoj strani Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

IV

Ova Odluka stupa na snagu sa danom donošenja i za njeno sprovođenje se zadužuje Odjeljenje javnih nabavki i investicija.

O b r a z l o ž e n j e

Univerzitet u Tuzli pokrenuo je postupak javne nabavke stolica za Pravni fakultet (realizacija projekta: FMON “*Program opremanja sale za NIR, master i doktorske studije*”) putem Konkurentskog zahtjeva za dostavu ponuda broj: 01-220-JN-2/24 od 11.11.2024. godine objavljenom na Portalu javnih nabavki “E-nabavke” broj: 795-7-1-169-3-168/24 od 06.12.2024. godine, sažetak obavještenja u “Službenom glasniku BiH” broj: 86/24 od 13.12.2024. godine i WEB stranici Univerziteta.

U ostavljenom roku ponudu su dostavila dva ponuđača: FEF Export-Import d.o.o. Sarajevo i GRADIZ d.o.o. Sarajevo.

Analizom zaprimljenih ponuda utvrđeno je da ponuda ponuđača GRADIZ d.o.o. Sarajevo sadrži sljedeće nepravilnosti:

Ponuđač je ponudio robu koja ne zadovoljava minimalno tehničke uslove opisane u Obrascu za cijenu ponude –Aneks 3 tenderske dokumentacije, tačnije ugovorni organ je opisu zahtjevao stolicu koja između ostalog ima naslon širine između 45 i 50 cm, a ponuđač je ponudio stolicu koja ima naslon širine 44 cm a što se potvrđuje u Katalogu na str. 12. Ponude. Ugovorni organ je propisao u TD pod tačkom 3.5.1. a) da ponuda u kojoj tehnička dokumentacija ne upućuje jednoznačno na ponuđeni proizvod neće biti dalje razmatrana.

U daljem pregledu ponude utvrđeno je da je ponuđač dostavio izjave iz članova 45. i 52. Zakona o javnim nabavkama potpisane od strane lica koje nije ovlašteno za davanje navedenih izjava. Ponuđač je u izjavama popunio podatke od ovlaštenog lica za zastupanje privrednog subjekta a izjave je potpisalo lice opunomoćeno za ovjeru izjava, dakle lice koje nije opunomoćeno za davanje izjava u ime ovlaštenog lica privrednog subjekta. Punomoć na str. 16. Ponude glasi da je opunomoćeno lice ovlašteno vršiti pravnu radnju ovjere izjava za potrebe tendera.

Nadalje, uvidom u priloženu Izjavu iz Aneksa 6 tenderske dokumentacije u Ponudi utvrđeno je da ponuđač nije vlastoručno potpisao navedenu izjavu na predviđeno mjesto. Zbog svega naprijed navedenog ponuda ponuđača GRADIZ d.o.o. Sarajevo je ocijenjena kao neprihvatljiva i nepravilna i nije išla u dalju proceduru.

Daljom analizom utvrđeno je da ponuda ponuđača FEF Export-inport d.o.o. Sarajevo sadrži sve dokaze zahtijevane tenderskom dokumentacijom i ponudena roba je u skladu sa zahtijevanim minimalnim tehničkim karakteristikama, te ponudenu cijenu koja je u skladu sa planiranim budžetom zbog čega je njegova ponuda ocijenjena prihvatljivom.

Obzirom da je pristigla jedna prihvatljiva ponuda e-aukcija nije zakazana.

Rang lista je kako slijedi:

PONUĐAČ	PONUĐENA CIJENA KM (bez PDV)	RANG
FEF Export-Import d.o.o. Sarajevo	7.110,00	1.

Budući da ponuda ponuđača FEF Export-Import d.o.o. Sarajevo u svemu zadovoljava zahtjeve Univerziteta predviđene tenderskom dokumentacijom i ima najnižu ponudenu cijenu to je Komisija dala preporuku Direktor za ekonomske poslove da se istom dodijeli ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektorice Univerziteta u Tuzli, Direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 5 (pet) dana računajući od dana njenog prijema, na adresu dr. Tihomila Markovića br.1., 75 000 Tuzla.

Prilog: Zapisnik o pregledu i ocijeni ponuda broj:
01-220-JN-9/24 od 25.12.2024. godine

DOSTAVITI:
1x učesnicima
1x a/a

DIREKTOR ZA
EKONOMSKE POSLOVE
Alden Osmanbegovic, dipl. ecc.

